

禮記

禮記

兌 天門東虛晉季為災隘睽黯蒼秦伯受砒

渙 寒衣涉河水深清衣賴幸舟子濟脫無他

節 推車上山高仰重難終日至暮不見阜顛

中孚鼎易其耳執不可舉大路雍塞旅人心苦

小過四亂不安東西為患退身止足無出邦域乃得完全賴其

生福

既濟班馬還師以息勞疲役夫嘉喜入戶見其

未濟積德不怠遇生逢時載善一作喜渭陽身受榮光

噬嗑之第二十一

噬嗑麒麟鳳凰善政得祥陰陽和調國無災殃

乾 北風相牽提笑語言伯歌叔舞燕樂以喜比風牽手

坤 甲戌巳庚隨時運行不失常節咸逢出生各樂其類達性

噬嗑

任情

屯 破亡之虛神所憂衰進德無光留止有慶

蒙 注斯膏澤祈衛百毒防以江南虺不能螫

需 日月相望光輝盛昌三聖成功仁德大隆

訟 大蛇巨魚戰於國郊上下濟塞衛侯廬漕

師 龍入天閔經歷九山登高上下道里險難日晏不食絕無

甘酸

比 沙漠北塞純無水泉君子征凶役夫力殫

小畜 閔折門啓衿帶解墮福與善生憂不為禍

履 狼虎所嗥患害遭不利有為宜以遁逃

泰 金精耀怒帶劍過午兩虎相距弓弩滿野雖憂無咎

否 朽根枯樹華葉落去卒逢火焱相隨偃仆

同人 入和出暗動作有光轉運休息常樂允康

大有 國多忌諱大人恒畏結口無患可以長存

謙 天地淳亨六合光明陰序陽順厥功以成

豫 裸裎逐狐為人觀笑牝雞鳴晨主作亂妖

隨 陰失陽復桀失其室相饒不食

蠱 蚘飛蠢動各有配偶大小相保咸得其所臨之

臨 鬼守我廬欲呼伯去曾孫壽考司命不許與生相保

觀 禍走患伏喜為我福凶惡消亡災害不作

賁 智不別揚張誑妄行陷淵仆顛傷殺伯身

剝 凶憂災殃日益明章禍不可救三都夷傷

復 長尾蛟蛇畫地為河深不可涉絕無以北悵然憤息

無妄 受我嬰女牽引不與冀幸高貴友曰下賤

筮

大玄鳥游江湖甘樂其餌既不近人雖驚不駭
 願明滅光息不能復食精鬼既喪以夜為室
 大過奇適無偶習靜獨處所願不從心思勞苦
 坎葛藟蒙棘花不得實讒佞亂政使忠壅塞
 離鵲笑鳩舞來遺我酒大喜在後授我龜紐龍喜張口超拜

福祉

咸搖尾逐災雲孽辟除渣泥生梁下為田主
 恒白鶴啣珠夜食為明膏潤優渥國歲年豐
 遯內執柔德止訟以默宗邑賴德禍災不作
 大壯犬吠驚駭公拔戈起玄冥厭火消散瓦解
 晉公悅嫗喜子孫俱在榮譽日登福祿來虛
 明夷鳥鳴捕鵲長欲飛去循枝上下適與風黑
 顛損樹根命不

可救

家人折薪噉酒使媒求婦和合齊宋姜子悅喜
 睽嗟不我顧而望玉女身多疣癩誰當媚者
 蹇遠視無光不知青黃黓續塞且使君閨聾
 解尅身整已逢禹巡狩賜我玄圭蒙受福祐
 損遠望千里不見黑子離婁之明無益於光
 益斧斤所斫瘡瘡不息鍼口不施下即空空
 夬齊侯少子才畧美好求我長女賤薄不與反得醜陋後乃
 大悔

始失儷後旅天門地戶不知所在安止無咎
 萃烏孫氏女深目黑醜嗜欲不同過時無偶
 升伯駕純駟南至東華求索車馬道關中止

益蓋

困 二女寶珠誤鄭大夫君父無禮自為作笑

井 陽城太室神明所息仁者之君獨無兵革

革 反一作蛇為殃使道不通歲 甚少年殺敗傷

鼎 三足孤鳥靈明為御司過罰惡首殘其家毀敗為憂坎之

震 車駕兩勒絕馬欲步雙輪膠車乃駕兩引脫行至道遇害如繩馬驚奔走

雙輪脫去

艮 鬱積不明為陰所傷衆霧靡集共奪日光

漸 鷓鴣鳴梟治城禦災周公勤勞後得安家

歸 妹名成德就項領不試景公耄老尼父逝去

豐 一夫兩心岐刺不深所為無功求事不成

旅 羿張鳥號設射天狼趙國雄勇敗於滎陽

巽 東家殺牛汚臭腥臊神皆西顧命衰絕周

兌 火起我後喜多吾廬蒼龍啣水泉巽屋柱雖難無咎

渙 桃雀竊脂巢於小枝搖動不安為風所吹寒心飄搖常憂

殆危

節 徒足去域飛入東國有所畏避深藏遠匿

中 孚瑤英朱草仁政得道鳥驚在渚福福來下

小 過陳蔡之厄從者飢瘦明德上通憂不為凶

既 濟春桃生花季女宜家受福多年男為邦君

未 濟徑邪賊田政惡傷民夫婦呪咀太山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家捨其兆墓

屯 日出阜東山蔽其明章甫薦履箕子佯狂

蒙 戴孟望天不見星辰顧小失大福迹墻外

需 兩輪日轉南山太阪四馬共轅無有重難與語笑言

訟 羊羴狼虎聳耳羣聚行旅稽難留連愁苦

師 梗生荆山命制輪班袍衣剥脫夏熱冬寒飢餓枯槁衆人

莫矜

比 鳥飛無翼兔走折足不常其德自為羞辱

小畜 條風制氣萬物出生明庶長養花葉壯茂

履 坤厚地德萬物蕃息平康正直以綏大福

泰 昴畢附耳將軍乘怒徑路隔寒燕雀驚駭

否 東風啓戶黔啄翻舞各樂其類咸得生處

同人 兩足四翼飛入家國寧我伯姊與母相得

大有 歲暮花落陽入吟室萬物伏匿歲不可得

謙 釋然遠咎辟患言阜田獲三狐以具為寶君子所在安寧

不殆

豫 鵠延卻縮不見頭目日以困急

隨 秋隼冬翔數被嚴霜雄犬夜鳴家擾不寧

蠱 班馬還師以息勞疲役夫嘉喜入室見妻

臨 老陽日衰條多枯枝爵級不進遂至摧隕

觀 順風吹火牽騎驥尾易為功力因俱受福

噬嗑 六人俱行各遺其囊黃鵠失珠無以為明

剝 依叔墻隅志下心勞楚王晨食韓子低頭

復 三牛生狗以成為母荆夷上侵姬伯出走坤之震需之訟

無妄 鶴盜我珠逃於東都鵠起追求郭氏之墟不見蹤跡反為

賁

易林二

二二

禍災始剝

大畜外與中退舉事不遂鋪糜毀齒失其道理

願 鴻鵠高飛鳴求其雌雌來在戶雄哺嘻嘻甚獨勞苦包鱉

膾鯉

大過褰衣涉河水深潰衣幸賴舟子濟脫無他觀之賁

坎 虎鬻龍指太山之崖天命不佑不見其雌

離 明不處暗智不履危終年卒歲樂以笑歌

咸 三足俱行傾危善僵六指不便愈累弟兄樹柱閱車失其

正當

恒 舍車而徒亡其駮牛雖喪白頭酒以療憂

遯 折薪熾酒使媒求婦和合齊宋姜子悅喜

大壯夜視無明不離商賈子反笑與市為仇

晉 徒行離車冒厭泥塗利以休丑

明夷作室山根人以為安一夕崩與破我壺殮

家人東山西山各自言安雖相登望意未同堂

睽 君子在朝凶言消去驚駭逐伯不見雄英

蹇 輓輓慎慎一作輓輓輓輓火燒山根不潤我鄰獨不蒙恩

解 南山之蹊貞人所遊德配唐虞天命為子保佑歆享身受

大慶

損 龍蛇所聚大小來處泱泱需需淡淡磕磕使我無賴

益 旃裘若闔慕德獻服邊鄙不悚以安王國

夬 光休春成陳倉雞鳴陽明失道不能自守消亡為咎

姤 下泉苞稂十年無王荀伯遇時息念周京

萃 仁德不慕五精就舍四序允警民安其居

貫

木二

二二

升 隨和重寶衆所貪有相如睨柱趙王危殆
困 鳳生五雛長於南郭君子康寧悅樂身榮
井 二人爲旅俱歸北海入門上堂拜謁王母勞賜我酒女功
不喜

革 逐憂除殃滄泥生梁下田爲王

鼎 東門之墀茹蘆在坂禮義不行與我心反

震 鳧遇稻廬甘樂趨鱖雖驅不去

艮 清人高子久屯外野逍遙不歸思我君母公子謁請王孫

嘉許

漸 讒佞所言語不成全虎狼之患不爲我殘

歸 妹張羅捕鳩鳥麗其災雌雄俱得爲網所賊

豐 安仁尚德東隣豈亦義來安吾國

旅 猾醜假誠前後相違言如鱉咳語不可知

巽 懷辟越鄉不可遠行蔡侯兩裘久苦流離

兌 伯氏歸國多所恨惑車頓蓋傾身常驚惶乃得其願雌雄

相從

渙 火石相得乾無潤澤利少囊縮

節 君明聖哲嗚呼其友顯德之徒可以禮仕

中 孚騎豚逐羊不見所望徑涉虎窟亡豚失羊

小 過玄黃虺隤行者勞罷役夫憔悴處子猥衰

既 濟右手掩目不見長叔失其所得悔吝相仍

未 濟免冠進賢步出朝門儀體不正賊孽爲患

剥之第二十三

剥 行觸大諱典司命忤執囚束縛拘制於吏憂人有喜

剥

易林二

乾 穿胸狗邦僵離旁春天地易紀日月更始

坤 從風縱火荻芝俱死三害集房十子中傷

屯 北山有棗橘柚所聚荷囊載 香盈筐筥

蒙 賚金贖狸不聽我辭繫於虎鬚帝不得來

需 上下惟邪寡婦無夫歡心隔塞君子離居

訟 二人輦車徙去其家井沸釜鳴不可安居

師 蹇驢不才駿驥失時筋力勞盡罷於沙丘

比 明傷之初為穆出郊以讒復歸名曰堅牛剥亂叔孫餒於
空丘

小畜 天火大起飛鳥驚駭作事不時自為多咎

履 土與山連共保歲寒終無災患革世長安

泰 日出阜東山蔽其明童甫蔗履逢字佯狂

否 龍馬上山絕無水泉喉焦唇乾口不能言

同人 雄處弱水雌在海濱將別持食非哀於心

大有 庭燎夜明追嗣日光陽軟不至陰雄生戾

謙 三婦同夫忽不相思志恒不愁顏色不怡

豫 鶴盜我珠逃於東都鶴怒追求郭氏之墟不見武跡反為
患災

隨 休猴冠帶盜載非位衆犬共吠倉狂蹶足

蠱 黍稷禾稻垂畝方好中旱不雨傷風病稿

臨 雄聖伏名人匿麟遠走鳳飛北亂禍未息

觀 三母多福天祿所伏居之寵光君子有福

噬嗑 被服文德升入大麓四門雍肅登受大福

賁 蹇裳涉河流深清衣幸賴舟子濟脫無他

剝

易林二

二

復 班馬還師以息勞疲後夫嘉喜入戶見妻

無妄東鄰嫁女為王妃后莊公築館以尊王母歸于京師季姜

悅喜

大畜百足俱行相輔為強三聖翼其事主室寵光

頤 危生在暮請求不得膏澤不降政戾民咸

大過百川朝海泛流不止路雖遼遠無不到者

坎 乘騶駕驪東至于濟遭遇仁友送我以資厚得利歸

離 禮壞樂崩陰請不當成子傲慢為簡生殃欲求致理力疲

心爛

咸 二人轡車乘入虎家主母貪叨盜我犁牛

恒 羊頭无足少肉不飽漏囊敗粟利無所得

遯 新田且粟上農得穀君子惟好以受百福

大壯夷羿所射發輒有獲雙鳧俱得 利伐王國

晉 鳧舞鼓翼嘉樂堯德虞夏美功 要荒賓服

明夷登丘上山對酒遇歡終年卒吉 德福無患

家人歲暮花落陽入陰室萬物伏匿 藏不可德

睽 螟虫為賊害我禾穀罇瓶空虛 飢無所食

蹇 陽虎脅主使德不通炎離為然 年穀患傷

解 四馬共轅東上泰山駢驪同力 無有重難與君笑言

損 牧羊稻園聞虎喧謹畏懼悚息 終無禍患

益 陽花不時冬實生危憂多橫賊 生不能服崑崙之王取求必得

夬 高阜所在陰氣不淋洪水不處 為家利寶

姤 釋然遠谷避患革害田獲三狐 以具為寶君子所在安寧

剝

不殆

萃 兩目失明日奪無光脛足跛曳不可以行頓於丘旁亡妾

莫逐鬼然獨宿

升 鴻飛循陸公出不復伯氏客宿

困 佩玉纒纒無以繫之孤怨獨處愁哀相憂一作桑

井 載船渡海雖深何咎孫子俱在不失其所

革 鵠求魚食道遇射弋繒如我頸繳縛兩翼欲飛不能為弄

所得

鼎 泥百亂頭忍耻少羞日以削消

震 桑方將落換其黃葉失勢顛倒如無所立一作佩

艮 巨蛇大鱗戰於國邦上下隔塞主君走逃

漸 已動死連商子揚砂石胡徂摠軍鼓振吏士恐

歸妹張羅搏鳩鳥麗其災雌雄俱得為網所滅一作二人俱行

五心亂無所得

豐 三聖相輔鳥獸喜舞安樂富有二人諧偶

旅 三奇六耦相隨俱市王孫善賈先得利寶居止不安洪水

為咎

巽 三人俱行二人言北伯叔欲南少叔不得中路分爭道鬪

相賊

分 播天舞地擾亂神所居樂無咎言不信誤

渙 坐爭立訟紛紛洶洶幸成禍亂災反我公

節 蛇行蜿蜒不能上阪履節安居可以無憂

中孚隙大墻壞蠹衆木折狼虎為政天降罪伐高殺堇夷胡亥

以斃

剝

小過湯不違德高山多澤顏子逐兔未有所得
既濟心多畏惡時愁日懼雖有小咎終無大悔
未濟衆神集聚相與議語南國霍亂百姓愁苦舉師征討別立

賢主

復之第二十四

復 周師伐紂尅於牧野甲子平旦天下悅喜

乾 任武負方東征不伏陷彘泥塗雄師敗覆

坤 義不勝情以欲自營觀利厄寵折角摧頸

屯 懸徂素飡食非其任失而剝廬休坐徒居室家何憂

蒙 鷓鴣聚婦深自窈身折腰不媚與伯相背

需 東風解凍河川流通西門丁產陞擢有功

訟 三足俱行傾危善僵六指不便累愆弟兄樹柁開車失其

正當

師 京庾積倉黍稷以興極行疾至以厭飽食

比 南山之蹊真人所在德配唐虞天命爲子保佑歆享身受

大慶

小畜軍馳入趨卷甲相仇齊魯寇戰敗於大丘坤之

履 十五許室柔順有德霜降婦嫁夫以為合先王日至不利

出域

泰 任力劣薄遠托邦國輔車不僵為癰所傷

否 千載舊室將有困急荷糧負囊出門直北

同人惡災殆盈日益章明禍不可救三郤夷傷

大有冠危載患身驚不安與禍馳逐凶來入門

謙 虎狼並處不可以事忠謀轉改禍必及已退隱深山身乃

不殆

豫 卯與石鬪糜碎無處挈瓶之使不為憂俱

隨 五心六意岐道多怪非君本志生我恨悔

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破車步入范家衡門穿射無以為主賣袍續食糟糠

不飽

噬嗑 逐金出門并失玉几往來井上甑破缺盆

賁 春孟醴酒使君壽考南山多福宜行賈市秋梁雉雉所至

利喜

剝 持刃操肉對酒不食夫亡從軍長子入獄抱膝獨宿

無妄 蹄牛傷暑不能成畝草萊不艱年歲無有

大畜 南邦大域鬼魅滿室謹聲相逐為我行賊

頤 嚙嚙所言苟如我垣歡樂堅固可以長安

大過 堯舜禹湯四聖敦仁允施德音民安無窮旅人相望未同

朝卿

坎 桎梏拘獲身入牢獄髡刑受法終不得釋耳閉道塞求事

不得

離 跖並桀處民困愁苦行旅遲遲留連齊魯

咸 求雞獲雉買鱉失魚出入均貨利得無餘齊姜宋子婚姻

孔喜

恒 雨師駕馭風伯吹雲秦楚爭強施不得行

遯 仲冬蕪秋鳥散飲憂困於米食數鷺鷥鷓鴣

大壯 三羝上山俱至陰安遂到南陽完其芝香兩崖相望未有

枕床

晉 飛之日南還歸遼東雌雄相從和鳴雍雍解我胸春
明夷堯飲舜舞禹拜上酒禮樂所豐可以安處保我淑女
家人太乙置酒樂正起舞萬神攸同可以安處綏我齒覓
睽 白馬駢騶生乳不休富我商人得利饒優

蹇 苑馬疾步育師坐御日不見路中止不到

解 春桃萌生萬物華榮邦邦石所居國樂無憂

損 把珠入口蓄為玉寶得百舌所有欣然嘉喜

益 襦燒袴燔羸刺飢寒病疴凍攣

夬 水沫沉浮沮濕不居為心 疾憂

姤 行如桀紂雖禱不祐命直 絕周文君乏祀

萃 蚍蜉戴盆不能上山脚摧 跛蹶損傷其頭

升 長子入獄婦饋母哭霜降 旬甚卿晦伏去

困 求大得免請新遇故雖不 當路踰吾舊舍

井 鳥鳴殷端一呼三顛動搖 東西危而不安靈符禱祉疾病

無意

革 天厭禹德命興湯國板社 擊鼓以除民疾

鼎 陰霧作匿不見白日邪佞 迷通使君亂惑

震 猿墮喬木不跛手足握 堦懷玉還歸我室 屯之豫 蒙之隨

艮 三驪負衡南取芝香秋 詣蘭芬馥盈滿匪匱利我少姜

漸 春生孚乳羽毛成就舉 不失宜君臣相好盜走奔北終無

所晦

歸妹東行破車還反室家 天命訖終無所禱凶

豐 九雁列陣雌獨不羣為 曾所牽死於庖人

後

易林上

易林上

十一

旅 二人輦車從去其家井沸釜鳴不可以居

巽 閉塞復道與喪相逢甘棠之人解我憂凶

兌 賦歛重數政為民賊杼袖空虛家去其室

渙 怒非其忿貪妬腐鼠而呼鵲鴟自令失餌到被災患

節 簪跌帶長幽思最苦瘠貌少疲以疾病降

中孚 三人俱行各別採桑蘊其筐莒留我嘉侶得歸無外四月

來處

小過 逐鳩南飛與喜相隨并獲鹿子多得利歸雖憂無危

既濟 驅羊南行與禍相逢狼驚吾馬虎盜我子悲恨自咎

未濟 東隣西國福喜同樂出得隋珠留獲和玉俱利有息

無妄之第二十五

無妄 夏臺姜里湯文厄處阜陶聽斷岐人悅喜西望華首東歸

無咎

乾 儻耳穿胸纏離勞春天地易紀日月更始蝮螫我手痛為

吾毒

坤 慈母之恩長大無孫消息襁褓害不入門

屯 譌言妄語轉相誑誤道佐失跡不知狼處

蒙 鬱映不明陰積無光日在北陸萬物彫藏

需 主母多福天祿所伏居之寵昌君子有光

訟 不耕而獲家食不給中女無良長子跛足踈齒善市商人

有喜

師 火起上門不為我殘跳脫東西獨得生完不利出鄰病疾

憂患

比 持執操肉對酒不食夫亡從軍少子入獄抱膝獨宿獲之

无妄

易林二

二九

小畜鮪鰈去海遊於枯里街巷迫狹不得自在南北四極渴餒

成疾

履 啞啞笑語與歡飲酒長樂行觴千爍起舞拜受大福

泰 登高上山賓于四門士伍得懽福為我根

否 天厭周德命與南國以禮靜民兵革休息

同人 壅遏隄防水不得行火光盛陽陰魄伏匿走歸其鄉

大有 河海都市國之奧府商人受福少子玉石一作食

謙 東行避兵南去不祥西逐凶惡北逃福王與喜相逢

豫 東家中女媠母寡醜三十無室媒伯勞苦

隨 破亡之國天所不福難以止息

蠱 駭駕蹇驢日暮失時居者無慕徐我樂娛

臨 蝦蟇之側佞幸傾惑女謁橫行王道橫行

觀 三殺五羊相隨並行迷入空澤有谷直北徑涉六駁為所

傷賊

噬嗑 戴喜抱子與利為友天之所命不憂危殆荀伯勞苦西來

王母

賁 織縷未就針折不復女工多態亂我政事

剝 行露之訟真女不行君子無食使道雍塞

復 羿張烏號殼射天狼鐘鼓不鳴將軍振攘趙國雄勇鬪死

滎陽

大畜 延頸望酒不入我口商人勞苦利得無有夏臺姜里難為

復喜

頤 冠帶南遊與喜相期繳於嘉國拜位逢時

大過 東西觸垣不利出門魚藏深水無以樂賓爵級摧頽光威

元妻

咸衰

坎 兩母千子轉息無已五乳百雛駢駁驤駒

離 重黎祖後司馬太史陽氏之災雕宮悲苦

咸 內執柔德止訟以默宗邑賴福禍災不作

恒 采唐沫鄉邀期桑中失信不會憂思約帶一作牛驥同堂郭氏以亡國破

為墟君奔走逃

遯 官成立政衣就缺袂恭謙為衛終無禍尤

大壯 麒麟鳳凰子孫盛昌少齊在門利以合婚貴人大歡

晉 亂危之國不可涉域機機發發身頓僵覆

明夷 千雀萬鳩與鵠為仇威勢不敵雖眾無益為鷹所擊萬事

皆失

家人 衆神集聚相與議語南國雷亂百姓愁苦興師征討更立

賢主

睽 顏淵問騫以禮自閑君子所居禍災不存

蹇 三桓子孫世秉國權爵勢上卿富於周公

解 鶴鳴九臯處子失時載土販鹽難為功力

損 方軸圓輪車行不前組囊以錐失其事便還師振旅兵革

休止衍文句疑

益 魚擾水濁桀亂我國駕龍出遊東之樂邑天賜我祿與生

為福

夬 白虎黑狼伏伺山陽遮遏牛羊病我商人

姤 履危不安踈顛我頰傷腫為癢

萃 三人輦車東入旁家主母貪叨盜我資財亡失犁牛

升 三鶴南飛俱就澹池鰕鮓饒有利得過倍

垂髮

困鷹栖茂樹候雀往來一擊獲兩伏不枝梧

井堯舜欽明禹稷股肱伊尹往來進履登堂顯德之徒可以

輔王

革枯旱三年草萊不生梁盛空乏無以供靈

鼎口方圓舌為知樞門解釋鈎帶商旅以歡

震鳧池水溢高陸為海江河橫流魚鱉成市千里無墻鴛鳳

游行

艮烹魚失刀駕車馬亡錫刃不入魴鯉腥臊

漸戎狄蹲踞無禮貪叨非吾族類君子攸去

婦妹渡河踰水狐濡其尾不為禍憂捕魚遇蟹利得無幾

豐河出小魚不宜勞煩苛政吾民君受其患

旅偃武修文兵革休安清人迨遙未歸空閑

巽九疑鬱阻濕不中鸞鳥易去君子不安

兌搏狸逢虎患厭不起遂至懼國與福笑語君子樂喜

渙狗生龍馬公勞嫗苦家無筐苜折悔為吝

節嬰孩求乳慈母婦子黃麕悅喜得其甘餌

中孚有兩赤鷁從五隼噪操矢無咎趣釋爾財扶伏聽命不敢

動搖

小過伊尹智士去桀耕野執順以強天祐無咎

既濟逐鹿山西利入我門陰陽和調國無災殃長子東遊須其

三仇二句疑衍文

未濟龍興之德周武成福長女宜家與君相德長股遠行狸且

善藏

大畜之第二十六

大畜

大畜朝鮮之地姬伯所保宜人宜家業處子孫求事大喜

乾 金柱鐵關膠固衛災君子居之安無憂疑

坤 轉禍為福喜來入屋春城夏國可以飲食保全家室

屯 水暴橫行浮屋壞墻泱泱溢市師驚惶居止不殆與母

相保

蒙 虎豹能羆遊戲山隅得其所欲君子無憂旅人失利市空

無人

需 躬禮履仁尚德止訟宗邑已安三伯無患

訟 江淮易服玄黃朱飭靈公夏徵哀禍無極高位崩顛失其

寵室

師 不虞之預患至無門奄忽暴卒痛傷我心

比 三塗五岳去危入室凶禍不作桀盜堯服失其寵福貴人

有疾

小畜配合相迎利之四鄉皆以為期明星煌煌欣喜奠澤所言

得償

履 三手六身莫過所開更伏搖動動失事便箕子佯狂國乃

不昌

泰 虎卧山隅鹿過後胸弓矢設張獨為功曹伏不敢起遂全

其軀得我美草

否 麟鳳執獲英雄失職自衛及魯畏昧不起福祿訖已

同人 變子作殃伯氏誅傷州犁奔楚失其寵光

大有 黃帝出遊駕龍乘馬東至太山南過齊魯王良御右文武

何咎不利市西

謙 齊魯爭言戰於龍門溝怨致禍二世不安

畜

易林二

二二

豫 道禮和德仁不相賊君子往之樂有其

隨 姬妬公姥毀益亂類使我家憤利不得遂

蠱 一巢九子同公共母柔順利貞君子不殆福祿所在

臨 崔嵬北岳天神貴客温仁正直主布恩德閔哀不已蒙受

大福

觀 三蛆逐蠅陷隋交帝灌沸滄殪與母長訣

噬嗑 東山西陵高峻難升滅夷人掘壘使道不通商旅無功復反

其邦

賁 常德自如不逢禍殃福祿自來

剝 范子妙材戮辱傷膚後相秦國封為應侯

復 狼虎結謀相聚為傳同齒牛羊道絕不通病我商人

無 不宜杜公與我爭訟媒伯無禮自令塞壅

頤 上天樓臺登拜受福喜慶天來

大過 三羊上山東至平康黃龍服箱南至魯陽完其珮囊執綏

車中行人有慶

坎 天地閉塞仁智隱伏商旅不行利深難得

離 延陵適魯觀樂太史車麟白顛知秦與起卒兼其國一統

為宅

咸 橐駝甲兵歸放馬牛徑路開通國無凶憂下有朽墻難

恒 牛驥同堂郭氏以亡國破為墟君奔走趨

遯 大尾小腰重不可搖棟撓攘壤臣為君憂湯火之言消不

為患使我復安

大壯 太乙置酒樂正起舞萬福攸同可以安處保我齟齬下有暗

空無解不利為旅

畜

易林二

二二

晉飲酒醉醜跳起爭鬪伯傷叔僵東家治喪

明夷陵險難登澗中多石車馳轉擊重載傷軸擔負善蹟跌踈

右足

家人爭訟不已更相咨詢張李弱口被髮比走心下有耳順從

須以兵天

睽心志無良傷破妄行觸墻觸壁不見戶房先王閉關商旅

委棄

蹇鷓鴣鳴鴉治成御災緩德安家周公勤勞

解清人高子文屯外野道遙不歸思我慈母

損兩虎爭鬪股創無處不成仇讎行解却去

益天女推床不成文章南箕無舌飯多沙糠雪衆盜名雄雞

折頸

夬太子扶蘇出於遠郊佞幸成邪改命生憂慈母之恩無路

致之

姤寒暑相推世一明一微赫赫宗周榮光滅衰

萃雞狗相咬仁道篤行不吠昏明各安其鄉周鼎和餌國富

民有八極蒙佑

升窓牖戶房通利明光賢智輔聖仁施大行家給人足海內

殷昌

困雨雪三月鳥獸飢乏旅人失宜利不可得機言解患以療

難危身復安

井白鵠銜珠夜食為明膏潤優渥國歲年豐中子來同見惡

不凶

革從豕牽羊與虎相逢雖驚不凶

鼎 鳧雁啞啞以水為宅雌雄相和心志娛樂得其所欲

震 逐狐平原水渴我前深不可涉慕無所得

艮 窟室蓬戶寒賤所處千里望烟渙散四方形体滅亡不入

深淵終不見君

漸 桀紂之主恃不堪輔貪榮為人必定其咎聚斂積實野在

都邑未來 室

歸妹 倉庫盈億年歲有息商人留連雖久有得陰多陽少因地

就力

豐 太山不然釣鯉失綸魚不可得利去我比一作三人同福

息安

旅 童女無媒不利動搖安其宮主慮得毋動憂

巽 載風雲母遊觀東海鼓翼千里見吾愛子

兌 鴻盜我孺逃於山隅不見武迹使伯心憂

渙 夜視失明不利遠鄉閉門塞漏福為我母

節 三狗逐兎于東門路利以進取商人有得

中孚 武王不豫周公禱謝載璧秉珪安寧如故

小過 同載共車中道別去爵級不進君子下輿

既濟 六雁俱飛遊戲稻池大飲多食飽無患一下有舉事不遂商旅作憤

未濟 符左契右相與合齒乾以坤利季生六子長大成就風言如母不利為咎

頤之第二十七

頤 家給人足頌聲並作四夷賓服干戈卷閣

乾 思初道古哀吟無輔陽明不制上失其所

坤 江河淮海天之奧府衆利所聚可以饒有樂我君子

頤

屯 三雉俱飛避暑就涼適與矰遇為繳所傷
蒙 秋南春北隨時休息處和復甲安無憂凶
需 履危無患逃脫獨全不利出門傷我左膝疾病不食鬼哭

其室

訟 東家凶婦怨其公姥毀盤破盆弃其飯食使吾困貧
師 泥滓汗辱弃捐溝瀆眾所笑哭終不顯錄
比 旦往暮還吝與相存身無患凶

小畜六翻長翼夜過射國羿氏無得

履 蜂萬芝國難以止息嘉媚之士為之所食從去其室

泰 被狐乘龍為王道東過時不返使我憂聾

否 霜梅零墜心思情憤懷憂少愧亂其龜氣

同人長女三嫁進退多態牝狐作妖夕行離憂

大有車轉輪軸驅東西西盛盈必毀高位朋顛

謙 乘船涉濟載水逢火賴得無患蒙我全生

豫 德至之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南歷王山東入生門登福上堂飲萬歲漿

臨 大斧斫木讒人敗國東閔二五禍及三子晉人亂危懷公

出走

觀 一室百孫公悅媼歡相與笑言家樂以安

噬嗑隨陽轉行不失其常君安於鄉國無咎殃

賁 羣虎入邑求索肉食大人禦守君不失國

剝 弱足別跟不利出門商賈無贏折崩為患湯火之憂轉解

喜來

復 夏臺幽戶文王厄處鬼侯飲食岐人悅喜
無妄棟橈壤壞廊屋大敗宮闕空廓如冬枯樹
大畜讒以內安不利其國室家大懼幽囚重閉疾病多求罪亂

憤憤

大過六龍俱怒戰於陂下倉黃不勝旅人艱苦

坎 天下雷行塵起不明市空無羊疾人憂凶三木不喜脫婦

家邦

離 一指食肉口無所_以得染其鼎鼎舌說於腹

咸 喜笑不常失其_恒恒慶口辨言_亦行者畏忌

恒 毛生_亭背國樂_氏富侯王有德

遯 獶豕童牛害傷不來三光同堂生我福仁

大壯江河淮濟多盜_為害邑被其癩年困無歲

晉 兩虎爭鬪股瘡無處不成仇離行解却去

明夷五嶽四瀆潤洽_為德行不失理民賴_為德

家人載車乘馬南逢君子與我嘉福離憂無_咎

睽 鑿囊破筐空無_忝忝不媚姑公弃於糞場

蹇 殺行桃園見虎東還螳螂之敵使我無患

解 箕仁入室政哀弊極抱其_鑿鑿奔於他國因禍受福

損 庭燎夜明追古傷今陽弱不制陰雄坐戾

益 懸恒素飡食非其任失輿剥廬休坐徒居

夬 嘉聞福喜繒帛盛織日就_為得

姤 執綏登車駮乘東遊說齊解燕霸國以安

萃 水深無桴蹇難何游商伯失利庶人愁憂

升 三鳥鴛央相隨俱行南到饒澤食魚與梁君子長樂見_樂

不傷

困 遠視目眇臨深告眩不離越都旅人留難

井 終風東西渙散四分終日至暮不見子懽一本此下皆大過之

革 言無要約不成券契殷叔季姬公孫爭之疆入委禽不悅

我心

鼎 牛馬龍崩不知聲味遠賢賤仁自令亂憤疾病無患生福

在門

震 從商近游食飽無憂囹圄之困中子見囚

艮 据斗運樞順天無憂與樂並房

漸 姬奭姜塋為武守邦藩屏燕齊周室以疆子孫億昌

歸妹 亡羊東澤循隄直北子思其母隨返其所

豐 張鳥開口舌直距齒然諾不行政亂無緒

旅 載船逢火憂不為禍家在山東入門見公

巽 絕國異路心不相慕蛇子兩角使我相惡

允 鼻項移徙居不安坐枯竹後生失其寵榮

渙 火息無光千歲不長殷湯遠明

節 文王四乳仁孝篤厚子蓄十男無有折天

中孚 能龍豺狼在山陰陽伺鹿取麀道伏畏難

小過 彫葉被霜獨蔽不傷駕入喜門與福為婚

既濟 黃離白日照我四國元首昭明民賴為福一下有漢有游女人不可得

未濟 順風直北與歡相得歲熟年豐邑無寇賊一下有長女行嫁子孫不昌係

疾為

大過之第二十八

大過 典冊法書藏在蘭臺雖遭亂漬獨不遇災

六過

易林二

一

乾 日在北陸陰蔽陽日萬物空虛不見長育

坤 鬼泣哭社悲商無復甲子昧爽般人絕祀

屯 涉塗履危不利有為安坐垂堂乃無災殃門戶自開君憂

不昌

蒙 陽失其紀枯木復起秋葉冬實君不得失

需 太樹之子百條共母當夏六月枝葉盛茂鸞鳳以庇召伯

避暑翩翩偃仰各得其所

訟 秉鉞執殳桃戰先驅不役元帥敗破為憂

師 啓室開門巡狩釋寃夏臺姜里湯文悅喜

比 衰滅無幾淵溺在頃吠狗夜驚家乃不寧

小畜 西鄰小女未有所許志如委衣不出房戶心無所處傳母

何咎

履 狗吠夜驚履鬼頭顱危且弗傾患者不成

泰 當年少寡獨與孤處雞鳴犬吠無敢誰者我生不辰獨嬰

寒苦

否 無道之君鬼谷其門命與下國絕不得食

同人 乘龍南遊夜過糟立脫厄曾憂下有增絕魯傷拜不得美

大有 馬踏車傷長舌破家東閔二五晉君出走

謙 瓜花瓠實百女同室醯苦不熟未有妃合

豫 晨風之翰大舉就温昧我我邑拜無所得

隨 浼浼促促塗泥至轂雨濘不進虎鬻不得

蠱 膠車駕東與雨相逢放革懈惰頓禹輪作獨坐憂不為禍福作

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人失功

噬豕牧羊稻園聞虎喧謹危懼喘息終無禍患
黃 嬰兒求乳母婦其子黃麕悅喜乃得甘飽
剥 廓落失業踣禍變福利無所得

復 出入無時憂患為災行人失牛利去不來若馬遺駒勿與

又居

無妄風怒漂木女感生疾陽失其時陰孽為賊
大畜車馬疾傷不利越鄉幽人無資去晦就明

頤 三奇六耦各有所主周南召南聖人所在德義流行民悅

以喜

坎 坐爭立訟紛紛詢詢卒成禍亂災及家公

離 凶息為殘使我不安從之南國以除心疾

咸 愛我嬰女牽引不得冀幸高貴反曰下賤

恒 宜行賈市所取必倍載喜抱子與利為市

遯 坐席未温憂來扣門踰牆北走兵交我後脫於虎口

大壯 赤帝懸車廢職不朝叔帶之災君子記廬

晉 子畏於匡困困陳蔡明德不危竟自免害

明夷 逐雁南飛馬疾牛罷不見漁池失利憂危牢戶之窻脫免

無患

家人 推輦上山高仰重難終日至暮不見阜巔

睽 憂不為患福在堂門使君偃安

蹇 春桃生華季女宜家受福多年男為邦君

解 高山之巔去地億千雖有兵寇足以自守

損 過時歷月役夫憔悴處子嘆室思我伯叔

益 太微復明說升傳巖乃稱高宗不能生滅其頭頸和

大過

易林二

二六一

夬 旁多小星三五在東早夜晨行勞苦無功

始 東鄉煩煩相與笑言子般鞭革圍人作患

萃 鼻移在頭枯葦復生下朽上榮家乃不寧其舍不成

升 蝦蟆群聚從天請雨雲雷集聚應時輒與得其所願

困 大步上車南到喜家送我貂裘與福載來

井 賊仁傷德天怒不福斬刈宗社失其土宇一本此下皆願之

革 從猶見虎雖危無殆終已不處

鼎 履行素德卒蒙祐福與幸尤循食君子有息

震 利在北陸寒苦難得息釜生之患福為道門商叔生存

艮 四蹇六盲足痛難行終口至暮不離其鄰

漸 臺駘昧子明知地理障四津宣德封居河渙

歸妹 畜水待時以備火災柱宇絆馬郊行出旅可以無咎

豐 歲暮花落君衰於德榮寵四殞墜陰弃其室

旅 夏敗蔡悲千里為市黃波滢鬱剃得無有

巽 仲春巡狩東見群后昭德究明不失其所

兌 冽潔縹緲締構難解媼母銜嫁媒不得坐自為身禍

渙 鳥嚙夜中以戒災凶重門擊拆備憂外客

節 朝霽暮露織我衣濡道無行牛

中孚 抱璞懷玉與桀栢觴詘坐不申道無良人

小過 兩心相悅共其蕘藟夙夜在公不離房中得君子意弗為

蘆茅

既濟 載餽茹田破鉏失餐苗稼不闢獨飢於年

未濟 甘露醴泉太平機閔仁德咸應歲樂民安

坎之第二十九

坎

卷之二

八三

坎二有鳥黃足婦呼季玉從我睢陽可避刀兵與福俱行有命
久長

乾 太王爲父季歷孝友文武聖明仁德興起孔張四國載福
綏厚

坤 猿墮高木不矮手足保我全生還歸其室

屯 重耳恭敏遇讒出處北奔戎狄經涉齊楚以秦代懷誅殺
子圍身爲伯主

蒙 倚鋒據戟傷我胸臆耗折不息

需 狗冠雞步君失其所出門抵山行者息難水灌我園高陸
爲泉

訟 衆鳥所翔中有大恠丈身長頸爲我驚憂
師 虎行相逐未有休息戰於平陸爲夷所覆

比 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不污輪渴爲我怨

泰 朝不見光夜不見明暝抵空床季女奔亡愴然心傷

否 齊魯求國仁聖輔德造禮雅言定公以安

同人 東帛玄圭君以布德伊呂百里應聘輔國

大有 棘鈎我襦爲絆所拘靈巫拜祝禍不成災東山之邑中有
肥土可以饒飽

謙 門燒屋燔爲下所殘西行出戶順其道理虎卧不起牛羊
歡喜

豫 墻高蔽目崑崙翳日遠行無明不見權叔

隨 天地際會不見內外祖辭遣送與世長訣

蠱 深水難涉泥塗至轂牛罷不進浮陷為疾
臨 羊驚虎狼獼猴群走無益於僵為齒所傷
觀 履蛇躡虺與鬼相視驚恐失氣如騎虎尾
噬嗑車驚人傾兩輪脫去行者不止人生憂懼結締復解夜明
為喜

賁 南敗北賈與忽為市利得百倍
剌 延陵適魯觀樂太史車鄰白顛知秦興起卒兼其國一統

為主

復 出門逢患與福為患反相擊刺傷我手端
無妄狩鹿群走自然燕喜公子好遊他人多有
大畜恭寬信敏復福不殆從其邦域與喜相得
頤 欲飛無翼鼎重折足失其福利危羞為賊下有上妻之家當其家幸喜

除我憂解吾思愁

大過府藏之富王以振貸捕魚河海布網多得
離 陰生楚鹿鼠舞鬼哭靈龜陸處金甌 生仁智盤桓國亂
無歡

咸 風塵坎坷不見南北行迷失利復及其室
恒 金華白黃宜利戎市嫁娶有息商人悅喜
遯 瓠瓜之德宜擊采食君子失輿官正懷憂
大壯乘船渡濟載水逢火賴得免患我有所持
晉 道險多石傷車折軸與市為仇不利客商

明夷託寄之徒不利請求結衿無言乃有悔患
家人三羊爭妻相逐奔馳終日不食精氣竭罷
睽 退惡防患日之中息解釋倒懸

坎

易林二

二

蹇 兩足四翼飛入家國寧我伯姊與母相得

解 寒露所凌漸致堅冰草木瘡瘍花落葉亡

損 后稷農功富利我國南畝治理一室百子

益 設網張羅捕魚園池網罟自決雖得復失危許之患受其

快懽

夫 路與縣休侯伯恣驕上失其威周室相微

始 逐走追亡相及扶桑復見其鄉使我悔喪

萃 獲祿綏厚載受福祉衰微復起繼世長久疾病 晉人

起告

升 鰥寡孤獨祿命苦薄入宮無妻武子哀悲

困 山沒丘浮陸為水魚燕雀無巢民無室廬

井 冠帶南遊與福喜期徼游嘉國拜位逢時

革 東行亡羊失其羝牂少女無夫獨坐空廬

鼎 採巢捕魚耕田捕鱸費日無功右手虛空

震 東行飲酒與喜相抱福為吾家利來從母水澤之徒望邑

而處

艮 妄怒失精自令畏悔怡怡之懽君子無咎

漸 白雲如帶徃徃來處飛風送迎大電將下擊我禾稼僵死

不起

豐 婦妹南至之日陽消不息北風烈寒萬物藏伏

火中仲夏鴻雁解舍体重難移未能高舉君子顯名不失

其譽

旅 北行出門履蹈顛踣足據塗污我襦袴

巽 輕車駸祖疾風暴起促亂器飛揚 明神降佑道無

害寇

允 酒為歡伯除憂來樂福喜入門與君相索使我有德
渙 三足孤鳥虛鳴督郵司過罰惡自賊其家毀敗為憂
節 三河俱合水怒踴躍懷我王屋民飢於食
中孚南行棗園惡虎畏班執火銷鋒使我無患
小過求鹿過山與利為怨闇襲不言誰知其懼
既濟行旅困蹇失明守宿固圍之憂啓誓出游
未濟据棘履杞跌刺為憂夫婦不和亂我良家

離之第三十

離 時乘六龍為帝使東達命宣旨無所不通
乾 執轡四驪王以為師陰陽之明載受東齊
坤 春秋禱祀解禍除憂君子無咎

屯 坐朝乘軒据國子民虞叔受命和合六親

蒙 明戶下堂與福相迎祿于公室曾孫以昌

需 高木腐巢漏濕難居不去甘棠使我無憂

訟 三女為姦俱行高園倍室夜行與伯笑言不認主母為設

歡酒冤尤誰禱

師 漏卮盛酒無以養老春貸黍稷年歲實有獲道坦坦平安

無咎

比 松柏枝葉常茂不落君子權寧日富求樂

小玄吳婦不諧為燕攻齊良弓不張騎劫憂亡

履 出令不勝反為大災強不克弱君受其憂

泰 奔走相錯敗亂諸緒民不得作

否 載璧秉珪請命于河周公克敏冲人瘳愈

同人素車爲馬不任重負王侯出征憂危爲咎
大有大樹之子百條共母比之火中稊葉盛茂
謙 雍遏隄防水不得行火盛陽光陰蛻伏藏走歸其鄉
豫 五岳四瀆合潤爲德行不失理民賴恩福
隨 駕駿南遊虎驚我牛陰不奉陽其光滅躐訾之謙謙奉義

解患

蠱 早霜晚雪傷害禾麥損功弃力飢無所食
臨 岐周海隅獨樂無憂可以避難全身保財
觀 陰蔽其陽目暗不明君憂其國求駢得黃駒犢從行
噬嗑 金城鐵廓上下全力政平民歡寇不敢賊
賁 平公有疾迎醫秦國和不能治晉人疑惑
剝 載堯扶禹從喬彭祖西遇王母道路更易無敢難者

復 羔羊皮革君子朝服輔政天德以合萬國
無妄 振鐘鼓樂將軍受福安帖之家虎狼爲憂履危不殆師行

何咎

大畜 嫡庶不明孽亂生殃陳失其邦
頤 鳥驚孤鴻亂國不寧上弱下強爲陰所行
大過 被綉夜行不見文章安坐于堂乃無咎殃長子帥師得其
正常

坎 六月采芑征伐無道張仲方叔克勝飲酒
咸 昧暮乘車東至伯家踰梁越河濟脫無他
恒 東風解凍和氣兆升年歲豐登
遯 二狸搏鼠遮遏前後死於園域不得脫走
大壯 綏德孔明履祿久長貴且有光疾病憂傷

晉 三虎搏狼力不相當如摧腐枯一擊破亡
明夷使伯采桑狼不貴行與叔爭訟更相毀傷
家人抱空握虛鴟鵂我雛利去不來

睽 李花再實鴻卯降集仁哲以興隆國不賊

蹇 東山臯落勇悍不服金瑛玩好衣為身賊絲麻不作

解 飛蚊污身為邪所率青蠅分白真孝放逐

損 南山大木文身六日制命出文東里宣敷尊主安居鄭國

無患

益 泉起崑崙西出玉門流為九河無有憂患

夬 命短不長中年天傷思及哭堂哀其子亡

姤 君臣不和上下失宜宗子哀歌

萃 苛政日作螟食華葉割下啖上民被其賊秋無所得

升 南行載鎧登履九魁車傷牛罷日暮嗟咨

困 春東夏南隨陽有功與利相逢

井 頭尾顛倒不知緒處君失其國

革 言無要約不成券契殷叔季姬公孫爭之強入委命不悅

子南

鼎 缺破不成胎卵不生不見其形

震 見蛇交悟惜蛇畏惡心乃無悔

艮 河水孔穴壞敗我室水深無涯魚鱉傾倒

漸 五嶽四瀆地得以安高而不危驚慎避患

歸妹 南至之日陽消不息北風冽寒萬物藏伏

豐 五利四福俱田高邑黍稷盛茂多獲高稻

旅 公孫駕車載遊東齊延陵子產遺我紵衣疾病哀悲

巽 蛟虬當道民困愁苦望羊置群長子在門。

允 金五滿堂忠置乘危三老凍餓鬼奪我室或魚河海網舉

必得

渙 日入明匿陽晶隱伏小人心勞求事不得

節 頻逢招飲失利後福不如子息舊器故杵申請必得乃無

大悔

中孚南有嘉魚駕黃取遊魴鱖詡詡利來無憂

小過黃裳建元文德在身祿佑洋溢封為齊君

既濟口不從心欲東反西與意乖戾動舉失便

未濟虎狼之鄉日爭凶訟叨爾為長不能定証

焦氏易林卷上

上經考異

今考定同人之自屯至不十卦不同閣本今附于此

屯 螟虫為賊害我嘉穀中留空虛蒙无所食

蒙 跛躄難步道不及舍宿澤被亡其襦露袴

需 大夫祈父无地不涉為吾相士莫如韓樂可以居止長安

富有

訟 少孤无父長失慈母悻悻嗷嗷莫與為耦

師 側弁醉客長舌作凶披髮夜行迷亂相誤亡失居處

比 馬驚車破玉墜深津身絕鬼去離其室廬首難无虞

小畜東行述職征討不服侵齊伐陳銜璧為臣大得意還

履 百足俱行相輔為強三聖垂翼事上室寵光

泰 根本不固華落葉去更為孤嫗

否 牧羊稻園蒼虎喧 畏懼怵惕終无禍焉

